



職方典第一千三十四卷

福州府部彙考二

福州府山川考二

府志

本府

閩縣侯官縣附郭

清涼山中有仙跡巖一名法水巖有跡如傾水苔不能蝕

城門山巔有鰲頂峯峯東有魁

星巖中有飛來石石西有龍觀井南爲虹橋有且止堂今爲公館

大象山去城六十里爲

城南大障峯曰銀峯山頂石色如銀嶺界長樂縣亦名銀峯嶺其支曰西峽山下卽西峽江曰文殊高百餘丈曰珠山週遭溪水環遶九山俗名九龍戲珠曰黃石脈連珠山有蟠龍之勢皆江上山也 白田山晉太守嚴高欲徙都治焉產蕉可布嶺曰蕉嶺坑曰蕉坑溪曰蕉溪

玉枕山在峽江南驛道候潮之所嶺有枕峯吉祥二寺及嘯霞洞秋塢紫屏上冷泉青田坂諸勝麓有枕嶼其傍曰柘枝山有白雲谷臥龍岡鳳巢白牛嶺鳴風崖諸勝 白鹿山有白鹿

寺唐元和四年永嘉僧道洪自溫陵來父老相邀居此誅茅之日白鹿適至下有白鹿溪

梁山一名金鰲峯五代時徐知證知諤平閩屯兵處也二人奉帝命列職斗宮以祐下土於是閩人立靈濟廟祀之禱無弗應祠下有潭遇旱禱潭出赤蛇雲起雨注歲則大熟潢溪霖潦暴溢民庶倉皇望祠致懇忽有役夫如雲舂鍤疏濬水不爲患而竟失所在 飲井山山有井

泉味佳不涸

新安山上有石羊跪伏石盤上如羊相傳自會稽飛來有嶺曰大步西有唐

陳礪廟礪觀察使巖之兄也舊同廟祀於里之蘆川宋嘉祐七年春一夕大雷雨香火遷於山西麓 石鼈山山枕江濱上有三石形如鼈中一山聳起平田去山南一里如蟠龍有溫泉

井山左有拏公廟拏舟漁父也海舟入閩莫知深淺明胡琛下閩有拏舟漁父引之以入蓋神人也故廟祀之 玉頂山山有龜嶼一鄉勝境 君山上有崑崙石室下臨潭曰馬面仙

潭

鼎山有石若芝名仙芝石又有三生石九眼泉凡十八景

疊石山前有靈泉下臨

絕壑巨石周匝又有疊石旁繞如盤龍

平山在鳳山東宋少帝航海時駐兵於此以其崎

嶇嶺而平之有九曲山有薰風隴南華峯蓬萊橋錦繡谷逍遙臺俱有篆隸石刻甚佳

甘

泉山在平山南山多巖石少草木泉湧石上色白味甘烹茶釀酒土人輒能辨之東爲瑞迹嶺

唐大中六年游客邵環聞異香見白光亟往之卽化而爲佛須臾入枯木光亦不散隨現巨跡於盤石後人刻一人偶之刻跡尋滅因鐫像曰白佛名寺曰瑞迹南爲邵崎爲翁崎有山曰大翁曰傳坑前有圓石俗號金鵝抱卵曰清涼曰石几 大夢山山麓有庵下有方池元時有

隱者居此鑿曰墨池西南有平章池元陳有定別業一曰西陂 貴安山有井曰貴安井

鳳山一名黃山上多礪石下有井曰飲井 怡山在鳳山南一名西禪山有西禪寺一名雲

山一名城山寺古名信首仙人王霸上昇地也霸於山南鑿井有白龜吐泉煉藥成點石爲金後以所餘藥服之旬日如醉忽蛻於所居皂莢木下唐貞元中觀察使李若初嘗登西樓望有五色雲當其宅遂以爲冲虛宮塑任昉董奉徐登及霸像爲四仙祠後宋慶曆紹興中旱莢復生者再山中數里間每風雨後耕者或得遺金紫磨色半瓦印文宛然重至三四銖西禪寺唐王延鈞奏名長慶有僧慧陵者居之寺有明遠亭後凌侍郎藻更名斗車又有紫翠亭放生池鳳凰山有香巖寺西爲清泉水山石山皆在平田中 高安山清泉支山也其西有祭酒

嶺五代時湛溫事王延翰官御史大夫國子祭酒王審知養子延廩與延翰有隙遣使來覘延

翰命溫往餞且鳩之溫至嶺下飲鳩自斃閩人哀而葬之遂以名嶺過洪山橋有嶺曰東岐

石門山二山對峙中貫清溪望之如門傍小阜曰超山又西爲龍潭山山有潭龍居之歲旱禱雨蠟磁瓶之口懸而下之以有無得水測雨候潭中羣魚遊泳無敢捕者有靈石四若龜蛇劍印溪源之水出焉 西山中有瑞應二潭又名龍潭山 洪山卽洪塘山其曰瓦埕東岐

妙峯佛樓皆濱於江東環清溪亦以洪塘名 妙峯山在洪塘江上有妙峯寺松石幽邃可

以眺遠宋林逋讀書於此適有集四十卷名妙峯集妙峯佛樓之間爲石倉園明邑人曹學佺之園也 旗山其形若旗與鼓山東西遙望上有仙人石下有勾漏洞溪流遶前南折十餘

里爲南嶼民居鱗次如一市廛嶼有鑪峰石 仙宗山在旗山南白鶴山松逕縈紆十數里

湖流有聲五代唐同光二年建仙宗院 梅埔山下有鍾潭舊志潭有鍾唐貞元中僧惟亮

欲取之見蛟龍出沒遂不敢近其木多梅梅溪之水出焉又西爲小谿界於古田 永隆庵

山峯曰玉几又拖西爲雪峯 雪峯山去城一百八十里高四十里蟠據候官羅源古田閩

清四邑舊名象骨峯唐乾符中禪師義存居之王氏入閩問師象骨何奇師曰山頂暑月猶有

積雪王曰可名雪峯遂名其山下有鳳凰岡烏石嶺應潮泉熬山閣枯木庵留香臺乘雲臺無
字碑準提塔望州亭臥雲臺文殊臺白雲臺蘸月池湯泉水磨鞭鬪石虎跡石萬松關羅漢巖
化城亭豐澤潭皆奇勝鳳凰岡院主山也應潮泉廣二三尺四面皆頑石有數沙眼潮上則涓
涓出熬山閣義存識成道之由也枯木庵義存所跌坐處也留香臺者僧敗絮所留香也敗絮
瘡毒遍膚每剝痂血放穢几席不堪其惡主事遣之獨鄰楊憐之而送之門已去數里謂曰荷
君意殷適留香相報比還所坐處異香襲人乘雲臺僧希運與二僧同登轉盼問其僧忽騰雲
去希運訝然曰早知其然當斫其脛準提塔義存所預造也蘸月池旁有古杉迺王審知與義
存手植皆數十圍義存植者直而叅天王植者樛而逮地水磨磨下無雀義存題云庵前永日
無狼子磨下終年絕雀兒至今信然豐澤潭有龍二年一興興則暴雨漲溪冲梁突岸迺鐵纜
纜之上鑄鐵佛縫罅皆飲以鐵其旁諸山曰丁山山勢橫去一麓冲出如丁字曰松嶺曰雙髻
山唐師復出家於此山巔有熬峯嶺嶺下有聖湯又有湯院石在土中閩人掘取供玩 龍
臺山卽候官市與赤塘山對峙其西爲竹崎爲唐舉山其傍山曰南山曰雲頂曰下崎緣互數

里界於閩清

嶼頭山去城七十里又曰花嶼周圍有六橋焉其西有芝田山斗門山有嶼

曰月嶼董嶼環嶼方輿記云月嶼出鰲蛤號鰲沙

大象山在旗山西蹲伏如象頂有觀音

泉傍有尋山蘇岐山皆濱浯江

崎頭山在象山東上有仙人石下有橫長江曰浯江山半

俯瞰清流有磯石臨水曰醉魚又有石如鐘下懸於江曰懸鐘

古靈山一名古靈一名大

帽一名席帽千峯奇峻前有文筆峯特峭拔宋陳襄居之今有祠山腰石室曰太乙巖一名小

方廣一名羅漢祠山西南隅有甘泉出石竅可飲二十人多生藍草又有後灣渡月山崖安德

泉碧玉潭贊公房落鏡橋小天台盤龍石逗雲亭諸勝月山崖崖如半月安德泉懸崖甘冽如

匡廬瀑布碧玉潭水流清駛潭底五色石子燦若機錦山南麓爲福頂山有古靈廟廟神曰正

祐唐天復三年降靈義興社後遷此土人因以福頂名山

龍湖山俗名土牢在崎頭山西

與古靈隔江對峙下有溫泉又有龍湖傍有小臺山過此爲永福界

靈光山舊有靈光寺

有橋曰靈光橋溪曰洞溪

石岵山岵縣舊址也山巔冠巨石曰岵石舊志載石歲覺增長

後因火不長矣有天赴亭有善應廟亭閩越王遊憩之地廟神姓張諱德清靈異感應宋淳祐

五年賜封號廟額其驛曰芋源

太平山在城北十國紀事王延翰葬閩縣太平山卽太平

地藏也宋爲普同墳張丞相浚令芙蓉僧作四穴分左右別男女以待不能葬者乾道六年黃監簿啟宗請於府拾枯骨爲三大塔於天王院東側謂之義塚亦曰北嶼渡合水橋有爐峯焉脈自白鶴山來屹立闔閭稱南嶼而江水貫穿於二嶼者稱峴江亦稱水西 臥龍山有

三石圓聳如品字名品石叩之則諸山響應又名應石有安國寺僞閩時僧師備自雪峯來居館徒千人高麗日本亦有至者有箋雲臺宋大中祥符中僧可度箋楞嚴經於此夏竦記其事有得愛亭宋元絳有詩有翠楚亭元泰定間錢光弼名來遊者衆題刻甚多 文山宋隱士

鄭育故居也太守黃裳往謁之迺石其路路口有坊扁曰文山

浮倉山近蓮華山下閩粵

王轉漕以備東甌之地下有石頭廟轉漕之民於此祈福又云晉太康中鑿東湖山在湖心上平下方若倉然 桃源山一名通谷有笏石奇峯仙冠石紫巖亭高潔臺一線天六華巖諸

勝有井曰桃源亢旱不竭圖經云桃源井半將軍石半

昇山舊號飛山世傳越王勾踐時

自會稽一夕飛來唐天寶中仙人任放於此昇舉因名昇山今洗藥池昇仙臺遺址猶存山有

靈巖寺陳天嘉三年置以山西巖石間時聞鐘磬聲故名曰靈又有紫雲堂唐貞元初僧雅操居之觀察使孟暉與操談經相善紫雲堂其遺跡也山下有賢沙寺以在懷賢里故名梁開平元年置寺前有飛山二字劉嶠書有靜游亭亭西有熙春臺臺東有不溢泉有鬼磨石仙昇巖朶芝巖息鍾池寒巖覽秀亭小隱諸勝 鳳池山山椒有池三四畝五色鳥浴之閩王葬夫人任氏於此王薨亦葬焉後改葬九峯之蓮花矣有擢秀亭提刑喻陟名仍隸書有翠微亭建炎二年進士題名於此有覽耀亭有閣筆巖陳瓘有記 保福山山有唐安寺陳天嘉二年

建明更名隆壽保福禪院

九峯山山峭拔若筆架與芙蓉壽山號曰三山大中二年僧慈

惠勸九峯院咸通二年號九峯鎮國禪院柳公權書有嶺曰長箕嶺一名桃枝桃枝嶺之上有蓮花山山形高峻上銳下圓若菌萐然郡主山也後唐長興三年閩王審知自鳳池山改葬於

此有後唐賜神道碑張文寶撰文明林謹夫記宣德五年種屯軍三十人盜發閩王塚塚門堅甚強掘土入之一人腰纏先縋忽中絕呼不應衆愕然連梯難燧而下見先縋者死矣墻廣如

屋前祀王繪像凡列五供悉用金玉珍寶器後寢紅棺二王夫人也既盜出先縋而死者現夢

其妻云蛇實殺我諸偷所得物當半分爾妻以告諸偷諸偷不應訟於百戶傑傑受偷賂不問訟於懷安尉尉欲得其金鐲玉帶亦罷遂訟於憲司副使李素魯僉事鄒穆捕治之尉心念匿帝王物罪當死卽欲自縊或憐之自首以免遂上鐲若帶而諸生王琨者自言王後當領所盜物諸公疑之琨出其家譜其壙中物皆備載於是諸公按譜征物舉王繪像懸堂中則見方面大耳巨目弓鼻紫面修髯儼然可畏四圍朽盡獨中心如故咸嗟嘆之內一水碗其底寸許如橄欖瑩如金色不識是何寶也召回回辨之曰此玻璃碗諸公迺歸琨像及壙中物十之一而委庫役鄭浩爲王治塚浩爲余言壙中懸棺推之可動而蓋已被發墳前石人石獸製極工巧云琨後仕至松陽知縣松陽丞有劉鑑者實王女之所自出惜王像留之不返琨復訟於憲司并勾出玉帶一條花大如掌宣德八年進御府又宋黃幹有桃枝嶺詩 大鵬山山如鵬展任放修煉於此迤北爲杜塢嶺 龍腰山越三山之後山也自蓮花山發脉迢遞過飛來峯半隔城內爲郡主山下有水源接東湖之壩與潮汐通相傳昔常欲鑿之以通西湖往往畫鑿夜合俗云龍腰也有苔井其北五峯山爲府社稷壇又北曰義井 壽山山有九峯是生美

石瑩潤可研可印大者一二尺許蓋珉云距山十餘里有五花石坑石有五色難得者艾綠

東室山古戰坂也五代晉開運中南唐兵與李仁達鏖戰於此今荒莽中隱隱有營壘址戰坂之西爲陶竈閩王審知築南北夾城於此陶磚

黃巖山在西室山東有瀑布高百餘丈聲聞里許巔有仙井有石曰盤石俗曰彭石相傳越王時此石在湖中不沒如盤

芙蓉山與

壽山對峙若芙蓉然有洞曰芙蓉洞亦曰靈洞洞口可丈許縈紆十餘里遊人篝燈束炬以入巖石互鎖旣隘復廓紺乳時滴陰氣逼人五里至開山堂僧義存所闢有石牀石鼓石盆過此莫窮其源宋時縣人謝三郎釣魚江上年三十投竿翻舟入是山爲頭陀宋守葉棣詩爲閩江船釣客謝家誰更未知名

楊崎山夾江峙立連延起伏雖不甚高殊有形勝楊或作陽

山中唐子野隱居處也 鳳冠山在陽崎山西群山之間沃野千餘頃有三小阜鼎立田中

者爲柯嶼一名台嶼一名瓜嶼宋建州司戶陳嘉言於中牟築書堂隱焉 吳山相傳吳父

隱此一名埔山下有盤嶼四繞如盤或云吳父之所盤桓也 仙崎山與陽崎對峙或曰陰

崎也山上居民稠密江水蜿蜒出其下南北行者必由此山之涯以濟元鄭潛置義渡焉刻石

表曰鄭公渡

西室山去城二十里聯絡秀拔傍爲小溪山杜塢山其北有梧桐嶺甘蔗生

焉又西曰拜郊山閩粵王燔柴處也

龍跡山在九峯山下中有廣施廟廣德中一日清晝

雷雨騰震龍從中見石上遺跡可數寸故名龍跡山矣宋太平興國後遇水旱有禱輒應民廟

祀之政和五年賜額曰廣施

瓜山聯方山之西三巒直下分派如瓜宋潘炳元鄭潛居之

其支爲南陽山巔有四潭龍潛焉曰烏岡潭巖石險怪或雲霧騰湧則大雨如注

天寧山

自橫山南渡三橋爲是山有臺曰天寧臺俗名鹽倉山又名掛榜山省會第一案也西爲黃柏

嶺嘉靖中金華太守陳京大書望北臺於石因名望北臺嶺又爲白泉山爲白鷺嶺爲登平山

爲楊桃嶺爲虞唐山

鷄籠山在虞唐山東一名斗門山西爲鳳岡週圍荔枝以數十里中

有三十六宅宋劉彝諸賢所居曰劉宅閩中荔枝譜郡之附郭獨鳳岡一村種類甚夥不下數

百萬株大者十圍高三十丈名曰天柱皆王氏植至今蕃盛

五奇仙山有五石秀聳相傳

有仙居之

羣鹿山有泉曰鹿乳

琅峯有蓮花嶼可觀日出峯東龍井水甚甘冽

古嶺下有鐵鼎潭明永樂中有龍潛焉又有車函觀音潭

常思嶺嶺在義溪南二十里高

數百仞袤三里許又名相思嶺在本縣東南盡處出頒春門也宋王珪送元絳守福州有頒春莫向相思嶺之句 大夫嶺相傳舊有大夫墓 北嶺路通連江縣沿崖而躋高一千八

百步宋嘉祐三年令樊紀夷高直曲培凹續陷嶺以失險上有亭嶺阿有臙脂園周匝約二百餘步膏潤不毛四時紅煜傳忠懿王郡主梳妝樓在焉膏潤紅煜脂粉之餘注也 湯嶺由

此嶺行十餘里至此又三十里至連江界諺云湯嶺堯比嶺頭言險也 官母嶼嶼有巡檢

司在海中五虎山之五虎門 石母嶼相傳石母常居於此石出水僅四尺巨漲不沒

靈石有真人宮內有潭潭旁有石似龜劍印者四 越王石閩中記在候官縣南海邊嘗隱

雲霧相傳太守清廉迺見劉宋時守盧愿往觀了無蔽隱今未詳何處 勒石石在西坑指

之可動合北里亦有之 老子巖石在府城東南如道士冠峽立而執簡俗呼老子 東

峽江南臺西峽二江合流於此 大定江與南臺江合派 馬頭江東通大海既廣且深

中有馬頭石潮退則現是有投桃之洲洲形如桃洲上田可千畝 濱江一名蜺江源出山

谷 閩江源出浙之龍泉建之浦城崇安又合建延汀邵及古田閩清永福大小諸溪之水

至此入海大抵閩江承建劍上流谷狹川激至馬瀆山漸廣而緩至馬頭則衆流所匯浩瀚無涯統而名之曰閩江 下洞江馬頭江右港也中有獅子石與方山對峙巨浸不沒諺謂水

浸方山鼻不到獅子耳

南臺江越王釣龍處也上有萬壽橋

瀨江亦名淘江與西峽

江相會

上洞江馬頭江左次港也

峽江兩山夾峙納汀建延邵之溪流以入於海廣

而且深中流有石屹然名曰浮焦焦下有潭名中焦龍潛焉

西峽江受永福印溪之水流

四十里與東峽江合

馬瀆江上接螺女江納建延之溪以至於海

洪塘江上接馬瀆

江

螺女江上接水口下接閩江入於海

金鎖江在城南七里一名金崎晉康帝時有

漁釣父得金鎖曳引至盡金斗出焉急挽俄絕猶得數尺許詔立廟曰金崎

黃岸江又名

浯江江濱有巨石橫浸亦名蘇崎大江之支也

黃江大江支江也

楊崎江上接洪塘

江歷鳳岡至楊崎納永福溪及浯溪之水達於峽江萬曆四十年巡按陸夢祖改官道出此江之上其水自上流四郡千餘里皆匯於此有山東之故名峽江怒濤激浪急溜漩渦險若瞿塘自峽而上可二十里而楊崎江水勢紆緩一葦可航行者皆由此渡其後以兵亂榛蕪間多虎

暴迺徙而由峽路雖稍夷每值風波輒葬魚腹卽近者隆萬間大比之年生儒溺死以千百計行旅病之遂移渡於楊崎江自江而南剪棘鑿石夷高堙下闢爲周行者五十餘里爲橋二公館二鋪舍六亭一微廬十增渡舟八道里視峽江減十之二往來於茲者江行如徒徒行如市陽侯不驚猛獸屏跡人拜其賜

合流至崎與楊崎江合

仙崎江一名新崎源出永福印溪東流三十里接西峽江

石

岷江上接水口江下接洪塘江今芋源驛是也唐書云候官西南七里有洪塘浦自石岷江而東經巖瀆至柳橋以通舟楫貞元十一年觀察使王雄所開也宋朱熹石岷江行詩春日江中注我行遡其波揚帆指西蓋西岸青山多

小目溪源出永福

龍溪是淵多龍唐大曆

中有女浣紗溪傍龍吞之其父號哭不已聞者爲取龍烹之溪傍有金沙古山園

大目

溪源出古田

吳山溪源出永福入於西峽

沙溪源出分水關逕建劍而下至芋源與

大江合中有沙壅成洲故名

陳塘溪源出十四都縈紆入江歲旱則堰以溉田

涪溪

源出瓜山之陽歷平坡北由仙坂注澤苗江

潢溪源出黃巖山注澤浦入於江

黃石

溪舊名崑江卽石崑江上流也發源自分水關至白沙合流入於西峽 善溪舊名鱣溪在

鼓山之北木乘之南山峽間有三潭下潭距上潭五里其廣六尺深不可計昔閩越王第三郎騎射於此射中大鱣躍出以尾纏三郎人馬俱溺士人爲立廟號白馬三郎唐貞元十年觀察使王翊旱禱得雨太和元年觀察使張仲方率僚屬旱禱歸至聖泉寺雨已至作詩曰入門池色淨登閣雨聲來僚屬皆和之宋慶曆六年夏旱蔡忠惠襄爲文往禱讀畢大雨命令賈太冲新其祠十七年秋大雨中夜水暴至聲聞數十里詰朝有石高廣可二丈峙廟後水左右注庭除無恙淳祐八年陳侍郎塏爲卿帥閩令眉山師輿致禱因闕廟前華表扁曰鱣溪詢其故則土俗疑傳以鱣爲美不知靈王之殺鱣也遂命師輿易名曰善溪閩東舊有鱣溪溪分二潭神實居之 大坑溪源出青陽 荷溪地名龍井中有躍龍潭 孟溪溪難方舟第

資灌漑北有香爐峯 桑溪在獵嶺下以傍有桑園名越王無諸嘗流觴於此 榕溪一

名麻溪達於西峽入於海在青布嶺舊記白鹿山入十五里號榕溪橋跨其上曰緣榕橋達於義溪大田驛在焉有榮繡坊宋陳愷典鄉郡主試有榮哉此行何異畫錦之語故以名坊

苦竹溪在金鰲峯下金鰲峯左有龍湫潭潭水湍急下通此溪

西湖在城西三里晉太守

嚴高所鑿畜洩灌民田周圍十數里王審知時大之至四十餘里其子延政築臺爲水晶宮由子城複道跨羅城而下鹿頂數十武可至引湖而入爲浴馬之所而容小舟焉攜後庭遊戲不出莊陌後漸湮宋守曹穎叔程師孟蔡襄先後修築淳熙中趙汝愚請於朝大濬之建閣其上沿舊名曰澄澗明按察使徐中行闢治建閣復汝愚舊萬曆中守江鐸作水關以通水中有孤山開化山又城東有烹湖亦嚴高所鑿宋末湮塞又有南湖亦塞矣又有陳湖石湖莫詳其處西南二湖宋時太守出觀競渡有亭榭之美蔡襄則寒食佛日俱往遊焉古圖記西湖旁有廟祀閩越王郢以郢爲州西開大路畚土成丘得血食也 甘蔗州在江心上有馬仙宮驪珠石居民種蔗爲業歲課甚豐 芹洲在澤苗江之西周圍二十餘里居民隱然閩閩洲多產

芹故名又名瀛洲以上四面有水如瀛洲然

馬面潭在大江之上

直瀆浦南從江岸

開河口通潮北流至海晏門爲澳橋浦又北通東湖其以直如溝瀆

蘇公井在城中凡九

又城外九井亦名蘇公井皆宋提刑蘇元所掘

卷終